

STILL IT DR SUMMR

Drauß it es Fröhjahr ausn Tal,
hinn sen die Summrtoog,
Vrsunga hat die Nachtigall
ihr Stimm in Busch bein Boch.
Kee Amschl mähr, wu düdl wöllt,
kee Kuckuck vo weit har,
kee Schwalbla höärscht, wu zwitschr söllt,
es pfeuft kee Fink, kee Star.
Bloß Biena und Brumhumml drauß,
dia summa nu es Singa aus.

Die Standrli und Freierschkurn
von Jahr mit Liad und Chor
dorch Gartn, Gründ und Ackrflurn
sen ausgsummt und sen gor.
Dr Summr stäht bei Nast und Wiang,
da reuft und frucht die Saat.
Viel junga Bruat geits aufzaziang,
viel Sorg üm Aarn und Broat.
Wu's Lam vrhäft, tuats laut und will,
wu si's erfüllt und reuft, wöreds still.

Nikolaus Fey